



續文獻通考

經籍志

集類 別集

按遼金元三史無藝文志可徵者少惟元人集傳者尚多故所存亦多於遼金二代也

遼

道宗清寧集

耶律良傳

知制誥耶律良請編御製詩文乞之名曰清寧集

遼史

耶律良傳

平王隆先閭苑集傳本

隆先字圃隱讓國皇帝子景宗即位封平王無政事
令留守東京傳本

蕭韓家奴六義集十二卷傳本

韓家奴見儀注類

蕭資忠西亭集王圻本

資忠聖宗時使高麗留不遣每憶君親輒有著述曰

西亭集王圻本

耶律良慶會集傳本

良字習然小字蘇著帳郎君之後生於乾州累官同
知南院樞密使事封遼西郡王謚忠成傳本

蕭柳歲寒集傳本

柳字徒門淳欽皇后弟阿古只五世孫官四軍兵馬
都指揮使傳本

蕭孝穆寶老集傳本

孝穆小字胡獨董淳欽皇后弟阿古只五世孫封吳
國王拜北院樞密使謚曰貞傳本

史畧曰時稱孝穆為國寶臣目所著曰寶老集

楊佖登瀛集傳本

佖字正彝。南京人。統和進士。累官吏部尚書。兼門下侍郎同中書平章事。傳本

金

按金人集自史傳諸人外。賴元好問中州集以傳。集中有名最著。而未有專集者。概不錄。又多止詩集。應別為一類。故所存僅數十家。

豫王永成文集傳本

永成。世宗子。本名鶴野。又曰婁室。始封潘王。進封克

累官翰林學士承旨。御史大夫。沁南軍節度使。判咸平府。移太原平陽。進封豫。謚忠獻。傳本

吳澈東山集十卷傳本

澈字彥高。建州人。將宗命至金。以知名。留不遣。命為翰林待制。出知深州。傳本

蔡松年集傳本

松年字伯堅。真定人。帥府辟為令史。累官右丞相。封衛國公。謚文簡。傳本

蔡珪文集五十五卷傳本

瑋字正甫。松年子。舉進士。歷官禮部郎中。本傳

高士談。蒙城集。金詩選

士談字季默。高瓊之後。宋宣和末。為忻州戶曹參軍。

入金。仕至翰林直學士。宇文虛中傳

施宜生集。金詩選

宜生字明望。邵武人。宋政和四年。擢上舍第。授潁州

教授。以罪北走齊。入金。登第。仕至翰林侍講學士。本傳

郭長倩崑崙集。本傳

長倩字曼卿。文登人。皇統進士。累官秘書少監。兼禮

部郎中。本傳

王寂拙軒集。中州集

寂字元老。玉田人。天德進士。累官中都路轉運使。中州

集傳

趙可玉峰散人集。本傳

可字獻之。高平人。貞元進士。累官翰林直學士。本傳

史略曰。可為翰林。一時詔誥。多出其手。流輩服其

典雅。其歌詩樂府尤工。

李愈狂愚集二十卷。本傳

愈字景韓。正平人。正隆進士。累官河平軍節度使。改

知河中府。謚清獻。本傳

郝侯虛舟居士集。中州集

侯字子玉。太原人。正隆進士。累官河東北路轉運使。

中州集傳

徒單鎰弘道集六卷。本傳

鎰本名按出。上都路速速保子猛安人。大定九年詔

策女直進士。鎰及第。累官左丞相。封廣平郡王。本傳

王庭筠文集四十卷。本傳

庭筠字子端。河東人。大定進士。官翰林脩撰。本傳

史畧曰。庭筠為文能道所欲言。暮年詩律深嚴。七

言長篇。尤工險韻。

張行簡文集十五卷。本傳

行簡字敬甫。日照人。大定進士。累官翰林學士承旨。

謚文正。本傳

蕭貢集十卷。金詩選

貢字真卿。咸陽人。大定進士。累官戶部尚書。謚文簡。

本傳

趙澗黃山集傳本

澗字文儒。東平人。大定進士。官禮部郎中。傳本

趙秉文滏水集三十卷傳本

秉文見易類

史畧曰。秉文之文。長於辨析。極所欲言而止。不以繩墨自拘。七言長詩。筆勢縱放。不拘一律。律詩壯麗。小詩精絕。至五言古詩。尤沉鬱頓挫。朝使至。自河湟者。多言夏人問秉文及王庭筠起居狀。其為四方所重如此。

劉迎山林長語中州集

迎字無黨。東萊人。大定進士。官太子司經。中州集傳

周昂常山集中州集

昂字德卿。真定人。大定進士。官監察御史。謫東海。還入翰林。出佐三司。從宗室承裕軍。城陷。殉節。中州集傳

史略曰。昂學術醇正。文筆高雅。諸儒皆師尊之。

史肅澹軒遺稿中州集

肅字舜元。京兆人。舉進士。官監察御史。中州集傳

史公奕洹水集中州集

公奕字季宏。大名人。大定進士。再舉詞科。累官翰林

修撰。同知集賢院事。中州集傳

毛麾平水集。中州集

麾字牧達。平陽人。大定間賜進士。歷官太常博士。中州

集傳

郭用中寂照居士集。中州集

用中字仲正。平陽人。大定進士。官陝州錄事。中州集傳

張邦彥松堂集。中州集

邦彥字彥材。平陽人。舉進士。官當川令。中州集傳

路鐸虛舟居士集。本傳

鐸字宣叔。冀州人。歷官翰林待制。除孟州防禦使。本傳

王世賞浚水老人集。中州集

世賞字彥功。汴人。明昌中賜進士。官鹿邑簿。中州集傳

楊雲翼文集。本傳

雲翼見易類

李之翰漆園集。中州集

之翰字周卿。濟南人。宋宣和進士。仕金。官東平州倅。

中州集傳

馮延登橫溪翁集中州集

延登見易類

劉鐸柳溪集中州集

鐸字文仲棗強人承安進士累官武昌軍節度副使

中州集傳

王若虛備夫集本傳 滹南遺老集

若虛見書類

李純甫屏山集金詩選

純甫見書類

按史稱純甫自類其文凡論性理及閔佛老二家者為內稿其餘應物文字為外稿今據金詩選存

屏山集

李俊民鶴鳴老人遺集十卷山西志

俊民字用章澤州人承安進士官應奉翰林文字元史

竇默傳

李仲紳曰俊民詩文自筮仕後冥搜隱索四十餘年雖片言隻字亦必有據

劉瀛曰先生格律清新似東坡句法奇傑似山谷

集句圓轉脉絡貫穿。半山老人之體也。雄篇鉅章
奔騰放逸。昌黎公之亞也。

劉從益蓬門集

本傳

從益字雲卿。渾源人。大安進士。官應奉翰林文字。

本傳

史略曰。從益博學強記。精於經學。為文章長於詩

五言尤工。

李獻甫天倪集

本傳

獻甫字欽用。河中人。興定進士。累官鎮南軍節度副
使。及蔡州之難。

本傳

元好問曰。欽用所著詩文。號天倪者。留京師。欽用
歿。非華陰王元禮購得之。幾有人琴俱亡之恨。文
字語言之傳與否。亦有數存於其間耶。

曹之謙允齋文集

金詩選

之謙字益甫。應州人。興定進士。居平陽三十載。講明

道學。遠近多從之游。

山西志

王惲曰。允齋文。其析理知言。擇之精。語之詳。渾涵
經旨。深尚體之工。刊落陳言。有自得之趣。而又抑
揚有法。豐約得所。可謂常而知變。醇而不雜者也。

劉祁神川遊士集二十卷 山西志

祁字景叔 渾源人 山西志

段克己 二妙集 金詩選 山西志
成己有菊軒集

克己字復之 稷山人 金末以進士貢 北渡後與弟成

己避地龍門山中 人稱遊庵先生 吳澄文
正集

成己字誠之 克己弟 正大進士 授宜陽簿 克己歿後

自龍門徙晉寧北郭 元世祖降璽書 即其家 起為平

陽儒學提舉 不赴 世稱菊軒先生 吳澄文
正集

吳澄序略曰 河東二段先生 心廣而識超 氣盛而

才雄其蘊諸中者 叅衆德之妙 其發諸外者 綜群
言之美 夫豈徒事於枝葉 以為詩為文者之所能
及哉 蓋陶之達 杜之憂 無而有之 達之辭 著而憂
之意微 後之善觀者 猶可於此而察其衷焉

元好問集 本傳 經籍志 作遺山集 五十卷 又詩集二
十卷 藝文志 稿作遺山文集 四十卷 詩集二

卷十

好問字裕之 秀容人 興定進士 累官尚書省左司員

外郎 本傳

史畧曰 好問為文 有繩尺 備衆體 其詩奇崛而絕

雕剝巧縵而謝綺麗。五言高古沉鬱。七言樂府不用古題。特出新意。歌謠慷慨挾幽并之氣。其長短句。揄揚新聲。以寫思怨者。又數百篇。兵後故老皆盡。好問蔚為一代宗工。四方碑版銘志。盡趨其門。晚年尤以著作自任。構野史亭於家。采摭記錄。至百萬餘言。

邢安國丹崖集

中州集

安國字仲祥武鄉人

中州集傳

景覃渭濱野叟集

中州集

覃字伯仁華陰人。隱西陽里。

中州集傳

王琢姑汾漫士集

中州集

琢字器之平陽人

中州集傳

元好問曰。器之所著中聖人賦。今世少有能到者。詩好押強韻。務以馳騁為工。

高峯老人集二卷

金詩選

羽士。失其姓名。

金詩選

釋行秀從容庵錄

金詩選

行秀自號萬松野老。居仰山。

金詩選傳

元

耶律楚材集十二卷

經籍志

楚材字晉卿。遼東丹王突欲八世孫。金貞祐初。左右司員外郎。元太祖定燕。召見處之左右。太宗朝。累官中書令。贈太師。追封廣寧郡王。謚文正。

本傳

史略曰。楚材博極羣書。旁通天文地理。律算術數。及釋老醫卜之說。下筆為文。若宿構。

王鄰曰。湛然有天然之才。如寶鑑無塵。寒冰絕翳。萬松釋行秀序略曰。湛然扈從西征六萬餘里。歷

艱險。困行役。而志不少阻。跨崑崙。瞰瀚海。而志不加大。客問其故。曰。汪洋法海。涵養之力也。片言隻字。皆出於萬化之原。而未臻其奧者。方索諸聲偶。鍛鍊之餘。正如學對句之牧豎。望涯於少陵。詩史者矣。

按黃虞稷藝文志稿補元類內。有湛然居士集三十五卷。又集十四卷。中書省都事宗仲亨輯。

又按元諸大家集。如耶律楚材。趙孟頫。虞集。揭傒斯。諸人。史傳未載者甚多。其載有集而遺集名者。

更難悉數。今俱補入。

張弘範淮陽集

元詩選

弘範字仲疇。定興人。元初累官蒙古漢軍都元帥。追

封淮陽王。謚獻武。

本傳

鄧光薦曰。公天分英特。雖觀書大略。率意吐辭。往往踔厲竒偉。據鞍縱橫。橫槊醜酒。叱咤風生。豪快天縱。類楚漢烈士語。

許從宣曰。公以事業之餘。適其性情。而見之吟咏。雅韻清詞。從容諧協。固非服介胃者所能及。至其

論韓信李廣傳諸作。英氣偉論。卓犖風發。又豈拘拘律度之士所能道哉。

劉秉忠藏春集十卷

本傳 經籍志有詩集二十二卷 藝文志稿作詩集六卷 文集十卷

又詩集二十二卷

秉忠字仲晦。初名侃。仕後改名秉忠。其先瑞州人。徙

邢州。初補邢臺節度府令史。棄去。後受知世祖。至元

初累官太保。參中書省事。追封常山郡王。謚文正。

本傳

史略曰。秉忠於書無所不讀。尤邃於易。及邵氏經

世書。至天文地理律算三式六壬遁甲之屬。無不

精通自幼好學。至老不衰。雖位極人臣。而齋居澹然。不異平昔。每以吟咏自適。其詩蕭散閒淡。類其為人。

郝經文集本傳 經籍志有文忠集三十卷藝文志稿有陵川集三十九卷附錄一卷

經見易類

史略曰。經為學務有用。及使宋被留。思託言垂世。撰著凡數百卷。其文豐蔚豪宕。善議論。詩多奇崛。盧摯曰。公為學。晝或忘舖。通昔詰旦。衣冠危坐。諷誦不輟。劬勤如此。凡五六年。剗剗抗摩。磊砢而直。

廉桌而輝。涵積揉累。日殊月異。擷芳攜腴。克而足之。沂源洙泗。以肩周程。雷風斯文。陶冶當世。慨然以為己任。山峙川駛。天游神遇。屹乎莫移。浩乎莫禦。變化不可測矣。

王磐鹿庵集本傳

磐字文炳。永年人。金正大進士。授歸德判。中統初。擢益都路宣慰副使。累官翰林學士。追封洛國公。謚文

忠本傳

王鶚應物集四十卷本傳

鶚見論語類

史略曰。鶚為文章。不事雕飾。嘗曰。學者當以窮理為先。分章析句。乃經生之事。非為己之學也。

姚樞雪齋集

元詩選

樞字公茂。柳城人。以薦累官翰林學士承旨。追封魯國公。謚文獻。

本傳

按史稱樞力學。宋九嘉識其有王佐才。許衡畫室依樞以居。元時正學。實自樞始。

商挺藏春集六卷

經籍志

挺字孟卿。濟陰人。累官樞密副使。追封魯國公。謚文

定。

本傳

高鳴文集五十卷

本傳

鳴字雄飛。真定人。元初累官吏部尚書。

本傳

李治敬齋文集四十卷

本傳

治字仁卿。樂城人。金進士。至元二年。以學士召。就職暮月。以老病辭。

本傳

徐世隆瀛洲集一百卷

本傳

世隆字威卿。西華人。金正大進士。至元間累官吏部

尚書傳本

閻復靖軒集五十卷本傳 本傳作靖軒經籍志

復字子靖高唐人以薦累官翰林學士承旨傳本

楊果西庵集傳本

果字正卿蒲陰人金正大進士仕元累官叅知政事

謚文獻傳本

史略曰果性聰敏工文章尤長於樂府

魏初青崖集十卷經籍志

初字太初順聖人中統初中書省辟為掾累官侍御

史傳本

史略曰初好讀書尤長於春秋為文簡而有法

楊奐還山集六十卷傳本

奐字煥然號紫陽乾州奉元人以耶律楚材薦累官

叅議京兆宣撫司事謚文憲傳本

史略曰奐博覽強記作文務去陳言以蹈襲古人

為恥閔中號多士名未有出奐右者

趙復序略曰紫陽其志其學粹然一出於正晚居

洛陽著書數十萬言沉浸莊騷出入遷固折衷於

孔孟六經其言精約粹瑩而條理膚敏名教中南宮雲臺也。即其文可以得其為人。

楊恭懿潛齋集

藝文志稿

恭懿字元甫奉元人元初屢召始赴闕授集賢學士兼太史院事。辭歸。本傳

史略曰恭懿力學強記日數千言書無不讀尤深於易禮春秋。

劉因文集十卷 詩集五卷

本傳 經籍志作三十卷

因見易類

史略曰因天資絕人三歲識書日記千百言過目即成誦六歲能詩七歲能屬文落筆驚人弱冠才器超邁日閱方冊思得如古人者友之歐陽元嘗謂因麒麟鳳凰宇內之不常有為往聖繼絕學為來世開太平論者以為知言詩五卷號丁亥集因所自選文集及諸撰述皆門生故友所錄也。

杜瑛中山文集八卷

藝文志稿

瑛見春秋類

許衡文集三十卷

經籍志 藝文志稿有大全集三十卷魯齋遺書六卷又重輯魯齋遺書

衡見易類

張泰徵曰。涇陽怡愉。購先生遺集。付之剞劂。泰徵僭為之言曰。先生慨然以斯道為己任。由其造詣精純者。而發揮於事業文章。齊治均平。歸根誠正。循其言。即中材之士。可與入道。而極之。即洙泗淵源。其大旨卒不外此。士也。涵濡先生之文。以溯道之統。而傳之無窮。然後知先生有功於聖門也。顧嗣立曰。先生一代大儒。不藉以文章名世。然其

詩亦自成家。諷詠之餘。恍然如在吟風弄月間也。

吳澄文正集五十二卷

經籍志 藝文志稿 有支言集一百卷

澄見易類

顧嗣立曰。許文正倡教於北。先生崛起於南。道學淵源。互相提唱。不僅繫乎詞章之工拙也。

張璽文集

本傳 江南志 作藁 江文集

璽見儀注類

吳澄曰。璽議論正。援據博。貫穿縱橫。儼然新安朱氏之尸祝也。

蕭軒勤齋文集

本傳 經籍志作勤齋貞敏集十五卷

軒見禮類

史略曰。軒博極羣書。天文地理律算術數靡不研究。侯均謂元有天下百年。惟蕭惟斗為識字人。為文辭立意精深。言近而指遠。一以洙泗為本。閔輔之士。翕然宗之。稱為一代醇儒。

同恕槩庵集二十卷

本傳

恕字寬甫。奉元人。以薦累官左贊善。謚文貞。本傳史略曰。恕家無儋石之儲。而聚書數萬卷。扁所居

曰槩庵。時蕭軒居南山下。以道高當世。入城府必主恕家。士論稱之曰蕭同。

金履祥仁山文稿

藝文志稿

履祥見書類

柳貫曰。昨非存稿者。弱冠以後四十以前之作也。仁山新稿者。辛未至乙亥之作也。仁山乳稿者。丙子以後之作。仁山噫稿者。壬辰以後之作。

許謙白雲先生集四卷

藝文志稿

謙見書類

史略曰。謙於天文地理典章制度食貨刑法字學音韻醫經術數之說靡不該貫。旁而釋老之言亦洞究其蘊。所為詩文非扶翼經義。張維世教。則未嘗輕筆之書也。

陳櫟定宇先生集

藝文志稿

櫟見易類

何中知非堂稿十七卷

本傳

中見易類

吳澄曰。太虛以穎敏之資。刻厲之學。善書工詩。綴

文研經。修於己。不求知於人。書必鍾王。詩必陶韋。文不柳韓班馬。不止且方。窺測聖人之經。如天如海。而莫可涯。殆不止於研經綴文。工詩善書也。

胡炳文雲峰集二十卷

經籍志

炳文見易類

熊朋來集三十卷

本傳

朋來見樂類

虞集曰。天備先生集三十卷。其大者明乎禮樂之事。關於世教。餘若天文地理方技名物度數。靡不

精究焉。

牟應龍隆山集

浙江志

應龍見經解類

史略曰宋亡時應龍父大理卿嶽已退不任事父子自為師友討論經學以義理相切磨應龍為文長於叙事時人求其文者車轍交於門以文章大家稱於東南。

虞集曰先生之文沛然若江河之決不極所至不止時人以為似眉山蘇氏

戴表元剡源集

本傳 藝文志 稿作剡原文集 二十八卷 浙江志作三十卷

表元見論語類

史略曰表元憫宋季文章氣萎繭而辭骫散慨然以振起斯文為己任時四明王應麟天台舒岳祥並以文學師表一代表元皆從而受業焉故其學博而肆其文清深雅潔化陳腐為神奇蓄而始發間事摹畫而隅角不露施於人者尤自秘重不妄許與至元大德間東南以文章大家名重一時者唯表元而已其門人最知名者曰袁楠楠之文其

體裁議論一取法於表元者也

鄭滁孫文集

藝文志稿

滁孫見易類

鄭陶孫文集

本傳

陶孫字景潛處州人滁孫弟宋進士元初徵授翰林

編脩終江西儒學提舉

本傳

史略曰陶孫兄弟在當時最號博洽儒雅之士翁

然推之

趙文青山藁三十一卷

經籍志

文字儀可一字惟恭號青山廬陵人宋鄉貢官南雄

教授至元中起為東湖書院山長尋授清江教授

江西志

胡長孺南昌集

顏樂齋稿

本傳

長孺字汲仲永康人仕宋為福寧州倅至元間徵為

集賢修撰改揚州教授歷長山場鹽司丞

本傳

史略曰長孺為辭章有精魄金春玉撞壹發其和

平之音海內來求者如購拱璧碑版焜煌照耀四

裔非其人雖一金易一字毅然不與也

按藝文志稿。浙江志俱作石塘文集五十卷。蓋彙諸稿為全集也。

白珽湛淵文集二十卷。詩集二十卷。藝文志稿

珽字廷玉。錢塘人。以李衍薦。官蘭溪州判官。自號湛

淵。又號棲霞山人。宋濂誌

劉辰翁曰。湛淵詩。不為雕刻苛碎。蒼然者。不惟極塵外之趣。兼有雲山韶濩之音。

張伯淳學士集十卷。經籍志 藝文志 稿作蒙養先生集

伯淳字師道。崇德人。宋舉童子科。官太學錄。至元間

擢為福建廉訪司知事。累官翰林侍講學士。本傳

虞集序略曰。公在翰林。未得顯用。公歿二十餘年。士大夫思見其議論。而想其風采。其孫炯輯其文。傳之。使來者知公之才。雖不及盡用。而可見者猶在於此。

鄧文原曰。師道為文。恥尚鈎棘。而春容紆餘。鏗乎如金石之交奏。

王義山稼村類稿三十卷。經籍志 藝文志 稿有別本十卷

義山字元高。富州人。宋景定進士。知新喻縣。仕元為

江西儒學提舉

江西志

姚雲江村近稿十三卷

經籍志

雲初名雲文字舜瑞一字若川高安人宋舉進士入元為撫建兩路儒學提舉

江西志

盧摯曰先生之文先秦西漢之文本六籍而支三傳左右以羣史諸子者也其淵粹博瞻當與王介甫曾子固頡頏至於近代葉適洪咨夔劉克莊諸人則瞠乎若後塵者也

劉堦水村文集二十卷

詩集十卷

藝文志稿

堦字起潛南豐人至元中官延平教授

江西志

曹汪書文韻儷稿五卷

藝文志稿

涇字清甫新安人馬端臨之師

江南志

楊弘道小亭集十卷

經籍志

弘道字叔能淄川人

虞集道園集

虞集序略曰叔能所慕千古高尚之士澹然自足悠然自適蟬蛻污濁與世略不相干求諸昔人之作則陶處士王右丞韋蘇州柳子厚其人也

鮮于樞曰淄川先生自號素庵又號默翁博學無

所不知而不為科舉計。自為唐州司戶。還終於里。有小亨集十卷。又言補一卷行於世。

教繼公文集二十卷。藝文志稿

繼公見禮類

湯彌昌碧山類稿。江南志

彌昌字師言。吳人。官瑞安判。江南志

汪炎昴詩集五卷。藝文志稿

炎昴字懋遠。婺人。隱居不仕。人稱古逸先生。江南志

洪淵環中集十卷。藝文志稿

淵號沐齋。豐城人。宋進士。入元為教官。江西志

吳澄曰。沐齋文。援據該博。議論瞻蔚。江漢波瀾。滾

滾不竭。

毛直方聊復軒斐集二十卷。治靈稿四卷。藝文志稿

直方字靜可。建安人。宋鄉貢。仕元。以教授致仕。福建志

任士林松鄉集十卷。經籍志

士林見論語類

趙孟頫曰。叔實之文。沉厚正大。而含蓄頓挫。使人讀之有餘味。

胡儼曰。叔實文篤寔而宏博。深厚而舒徐。鏘然而金石奏。燦然而琅玕呈。蓋卓乎有道之言也。

王厚孫遂初稿三十卷。藝文志稿

厚孫字叔載。鄞人。應麟孫。官福建儒學副提舉。浙江志

郭鏜梅西集。藝文志稿

鏜。一作鄞。字德基。長樂人。至元中。以遺逸徵。官興化

教授。元詩選傳

劉岳東崖稿。藝文志稿

岳。字岷泰。吳人。官建德路總管。江南志

張慶之海峰文編三卷。藝文志稿

慶之。字子善。吳人。江南志

卞南仲溪居集。江行集。藝文志稿

南仲。字應午。長興人。官溧陽州判。浙江志

安熙默庵集五卷。經籍志。序作晦庵集。虞集

熙。見詩類。

虞集序略曰。劉靜脩得朱子之書。以遯乎周邵程張之傳。敬仲未見靜脩。聞而知之者也。北方之學者。高明堅勇。孰有過於靜脩。使敬仲得見靜脩。廓

之以高明。厲之以奮發。劉氏之學。不既昌大於時乎。其門人蘇天爵。拳拳於其師之遺書。亦可見其取友之端。是皆予之所敬畏而感發者也。

袁桷曰。敬仲之學。汪洋靜遠。謂文以載道。辭不勝不足以言理。故其詞修以發於詩章。幽而不傷。慕貞潔之實。將以自任其道者也。

蘇天爵曰。先生文章。以理為主。皆有為而作。詩學淵明晦翁。第以吟咏性情。陶寫造化而已。

韓諤五雲書屋稿六卷

藝文志稿

諤字致同。性從兄。以薦官建寧路錄事。浙江志

韓性文集十二卷

本傳藝文志稿作五雲漫稿十二卷

性見禮類

史略曰。性博綜羣籍。自經史至諸子百氏。靡不極其津涯。究其根柢。而於儒先性理之說。尤深造其閫域。其為文。辭博達雋偉。變化不測。自成一家言。四方學者。受業其門。戶外之屨。至無所容。

虞集曰。韓君為文。優游不迫。而陳義甚高。汪洋不窮。而立論甚要。

黃潛曰先生之文博達雋偉而變化不測人第見其如竒葩珍木不擇地而發魚龍出沒隱顯後先以為可喜可愕而莫知夫山之所以高水之所
以深也

程端禮畏齋集十卷經籍志

端禮字敬叔慶元人官衢州路儒學教授韓性傳

劉詵桂隱集本傳藝文志稿作桂隱文集四卷詩集四卷

詵字桂翁廬陵人江南行御史臺以遺逸薦不報本史略曰詵為文根柢六經躡躒諸子融液今古而

不露其蹕厲風發之狀

歐陽元曰桂翁之文根柢六經屬饜子史躡躒百家溥蓄演迤資深取宏槩獲哲匠達於宗工液古融今自執其韝應慮不獲靡施弗宜雖未嘗露其雋傑廉悍蹕厲風發之狀韞玉在櫝氣如白虹不可掩抑

劉岳申中齋文集十五卷經籍志

岳申字高仲吉安人以薦官遼陽儒學副提舉劉詵傳

龍仁夫文集藝文志稿江西志作讀書臺集

仁夫見易類

史略曰。仁夫岳申。皆與劉詵齊名。而仁夫之文尤奇逸流麗。

胡助純白類稿三十卷。藝文志稿

助字古愚。一字履信。東陽人。以吳澄薦。累官太常博

士。金華先民傳

孫轍澹軒集。藝文志稿

轍字履常。臨川人。憲司屢辟。皆不就。本傳

史略曰。轍善為文章。吳澄嘗序其集曰。所謂仁義

之人。其言藹如也。其見稱許如此。

張樞樊帚編。杜本傳

樞見春秋類

史略曰。樞幼聰慧。外家潘氏。蓄書數萬卷。盡取而讀之。過目輒不忘。既長。肆筆成章。數千言立就。為文務推明經史。以扶翼道教。尤長於叙事。

韓性同集十卷。藝文志稿

性同見書類

倪士毅道川集。藝文志稿

士毅見書類

汪漢卿養浩集二十卷

藝文志稿

漢卿字景辰。歙縣人。官國子監丞。

江南志

王炎澤南稜類稿二十卷

黃潛集

炎澤字威仲。義烏人。隱居教授。學者稱南稜先生。

浙江

志

葉謹翁四勿齋稿

兩浙名賢錄

謹翁字審言。金華人。官瑞州同知。

黃潛誌

劉應龜山南先生集二十卷

藝文志稿

應龜字元益。義烏人。官杭州學正。人稱山南先生。

金華

賢達傳

按兩浙名賢錄作夢稿六卷。癡稿六卷。聽雨留稿八卷。門人黃潛重加編次。

鄭覺民求我齋集三十三卷

藝文志稿

覺民字以道。鄞人。官處州教授。

浙江志

曾德裕小軒集

藝文志稿

德裕字益初。永豐人。大德中。官翰林學士。兼吏部考

功郎。虞集道園集

虞集曰。小軒詩文。春容幽遠。有昔者先正之遺音馬。

曾巽申超然集二卷藝文志稿

巽申德裕弟。應茂材。巽等官國史院編脩官。江西志

俞希魯聽雨軒集二十卷經籍志

希魯字用中。丹徒人。官松江路同知。江南志

張著蒙溪集十二卷藝文志稿

著字仲明。廬陵人。中大德間詞賦選官。平陽路儒學

教授。江西志

貢奎雲林集經籍志

奎字仲章。宣城人。累官集賢直學士。江南志

吳澄書後略曰。理到氣昌。意精詞達。如星雲燦爛。如風行水流。文之上也。初不待倔强其言。蹇澁其

句。怪僻其字。隱晦其意。而後工且奇。噫。茲事微矣。

顧嗣立曰。仲章為文。闕放雋傀。不狃卑近。所著詩

文。有雲林小稿。聽雪齋紀。青山謾吟。倦遊集。豫章

稿。上元新錄。南州紀行。凡百二十卷。悉藏在祕府。

明弘治間。曾孫吏部郎元禮。編其所存者。白雲林

集刊行於世。

鮮于樞困學齋藁藝文志稿

樞字伯機。漁陽人。官太常典簿。元詩選傳

高克恭文簡公集七卷經籍志

克恭字彥敬。其先西域人。後居燕之房山。大德間累

官刑部尚書。謚文簡。元詩選傳

柳貫曰。高公畫入能品。故其詩神超韻勝。如王摩

詰在輞川。李伯時泊皖口舟中。思與境會。脫口成

章。自有一種奇秀之氣。

程鉅夫雪樓集三十卷藝文志稿

鉅夫名文海。以字行。建昌人。累官翰林學士承旨。追

封楚國公。謚文憲。本傳

虞集曰。宋季士習卑陋。以時文相尚。病其陳腐。則

以奇險相高。公在朝。以平易正大之學。振文風。作

士氣。今代古文之盛。寔自公倡之。

趙孟頫松雪集十卷經籍志

孟頫見書類

史略曰。孟頫詩文清邃。讀之使人有飄飄出塵之

想以書名天下。畫尤精緻。楊載稱孟頫之才。頗為書畫所掩。知其書畫者。不知其文章。知其文章者。不知其經濟之學。人以為知言云。

吳澄曰。趙君子昂。丰度類李太白。資質類張敬夫。心不挫於物。而所養者完。其學又知通經為本。所養所學如此。而文不古者。未之有也。

戴表元曰。子昂古詩。沉涵絕謝。自餘諸作。猶傲睨高適李翱間。

袁桷曰。子昂詩法。高踵魏晉。為律詩則專守唐法。

雖造次酬答。必守典則。

按藝文志。稿有別集一卷。錢曾讀書敏求記。沈潢校正松雪齋集十二卷。何楨立又輯外集一卷。刊行於世。

鄧文原文集。本傳 藝文志作巴西集又素履齋集

文原字善之。一字匪石。綿州人。累官翰林侍講學士。謚文肅。本傳

任士林曰。善之詩文。渾厚以和。沈潛以潤。如清球在縣。明珠在乘。

黃潛曰。公為文。精深典雅。溫潤而有體。確寔而有
徵。詩尤簡古麗逸。

袁楠清容居士集

本傳 經籍志作清容居士集五十卷致亭集三十七卷藝文志稿同

楠見易類

顧嗣立曰。伯長初師戴帥。初稍長。在王深寧之門。
復從舒閻風遊。其學最為有本。及在詞林。朝廷制
冊。勲臣碑銘。多出其手。家居以後。闢南園故址。讀
書其中。翰墨所傳。極於海內。

元明善文集

本傳 經籍志作清河集三十卷

明善見書類

吳澄序略曰。學士得於天者。異於人。而又浸淫羣
經。蒐獵百家。以益其學。廣其識。故其文。脫去時流
畦徑。而能追古作者之道。正而非易。竒而非艱。明
而非淺。深而非晦。不狂不萎。不俚不靡。登昌黎韓
子之堂者。不於斯人。而有望歟。

虞集曰。復初文章。發揚蹈厲。藐視秦漢。

馬祖常曰。公文出入秦漢之間。本之於六經。以涵
泳其膏澤。參之於諸子百家。以騁其辨刻。而不見

其跡新而必自己出。蔚乎其華敷。鑽乎其古聲。倡古學於當世。為一代之文宗者。柳城姚燧暨公而已。

滕斌玉霄文集藝文志稿

斌一名賓。字玉霄。黃岡人。官江西儒學提舉。元詩選傳

李溥光雪庵集元詩選

溥光字元暉。大同人。大德間官昭文殿大學士。元詩選傳

周馳如是翁集元詩選

馳字景遠。聊城人。官南臺監察御史。元詩選傳

曹元用超然集詩文四十卷本傳

元用字子貞。汶上人。以薦累官翰林侍講學士。追封東平郡公。謚文獻。本傳

戴表元曰。曹公文屬辭莊屈之潔。析理孟荀之達。而比事左班之數也。

燕公楠五峯集江西志

公楠字國材。建昌人。累官湖廣行省右丞。本傳

姚燧牧庵文集五十卷本傳

燧字端甫。柳城人。樞從子。累官翰林學士承旨。謚曰

文傳

史略曰。燧之學得於許衡。為世名儒。其文閎肆。該洽。豪而不宕。剴而不厲。春容盛大。有西漢風。宋末弊習。為之一變。自延祐以前。文章大匠。莫能先之。張養浩曰。公才驅氣駕。縱橫開闔。紀律惟意。約要於煩。出奇於腐。江海駛而蛟龍拏。風霆薄而元氣溢。

盧摯疎齋集

藝文志稿

摯字處道。涿人。累官翰林學士承旨。

畿輔志

吳澄曰。學士所作古詩。類晉清言。古文出入盤誥中。字字土盆瓦缶。而脩有三代虎雉瑚璉之器。見者莫不改視。

馬祖常文集

本傳石田集

經籍志作十五卷

祖常字伯庸。世為雍古部人。居靖州天山。延祐進士。歷官御史中丞。追封魏郡公。謚文貞。

本傳

史略曰。祖常工於文章。宏瞻而精核。務去陳言。專以先秦兩漢為法。而自成一家之言。尤致力於詩。圓密清麗。大篇短章。無不可傳者。文宗嘗駐蹕龍

虎臺。祖常應制賦詩。尤被歎賞。謂中原碩儒。惟祖常云。

蘇天爵曰。伯庸詩文。接武隋唐。上追漢魏。後生爭效慕之。文章為之一變。與慶元袁公。蜀郡虞公。東平王公。更唱迭和。金石相宣。而文益奇。

陳旅曰。公古詩似漢魏。律句入盛唐。散語得西漢之體。

李益秋谷集

傳本

孟字道復。上黨人。徙漢中。以薦累官中書平章政事。

封秦國公。謚文忠。

傳本

史略曰。孟為文有奇氣。其論必主於理。

張養浩文忠集十八卷

經籍志

養浩字希孟。濟南人。以薦累官陝西行臺中丞。謚文

忠

傳本

李本魯。序略曰。牧庵姚文公。以古文雄天下。天下英才。振奮而宗之。卓然有成。如雲莊張公。其魁傑也。其文淵與昭朗。豪宕妥帖。辭必已出。凜有生氣。

敬儼詩文集藝文志稿

儼字威卿其先河東人徙易水以薦累官中書叅知

政事傳本

曹伯啟漢泉遺稿十卷續集三卷傳本

伯啟字士開碭山人累官侍御史傳本

歐陽元曰士開思致敏瞻襟韻朗夷臨文抒志造

次天成

張起巖華峰漫藁華峰類稿金陵集傳本

起巖字夢臣濟南人延祐進士累官翰林學士承旨

謚文穆傳本

史略曰起巖博學有文名聞四裔如歐陽修安南

修貢其陪臣致辭必候起巖起居

許有壬至正集傳本

有壬字可用其先世居穎後徙湯陰延祐進士累官

中書左丞兼太子諭德謚文忠傳本

史略曰有壬善筆札工文辭歐陽元序其文謂其

雄渾閎雋湧如層瀾迫而求之則淵靚深實蓋深

許之也

按經籍志作至正集八十一卷又圭塘小稿八卷
藝文志稿自上二集外有別稿二卷又外稿二卷
續稿一卷又圭塘款乃集一卷乃有壬與楚人馬
熙及弟有孚唱和之作而其子楨亦與焉

王士元拙庵集

藝文志稿

士元臨汾人自號具川道人延祐進士官崇文少監

藝文志稿

劉敏中中庵集二十五卷

傳本

敏中字端甫章邱人累官翰林學士承旨謚文簡

傳本

史略曰敏中為文辭理明辭備

王約潛邱藁三十卷

傳本

約字彥博汴人以薦累官集賢大學士

傳本

史略曰約從魏初遊博覽經史工文辭務達國體
時好不以動其心

王結詩文集十五卷

傳本

結見易類

史略曰結聰穎讀書數行俱下終身不忘嘗從太
史董朴受經深於性命道德之蘊故其措之事業

見之文章皆悉有所本

宋衙柘山集十卷傳本

衙字弘道長子人累官秘書監傳本

耶律希亮悰軒集三十卷傳本

希亮字明甫楚材之孫累官翰林學士承旨謚忠嘉

傳本

黃虞稷曰悰軒集皆塞外從軍紀行之作

商琥彛齋文集商挺傳

琥字台符挺子累官中臺監察御史商挺傳

李之紹果齋文集傳本

之紹字伯宗平陰人以薦累官翰林侍講學士傳本

史略曰之紹在翰林姚燧欲試其才凡翰林應用

之文積十餘事併以付之之紹援筆立成燧驚喜

曰可謂名下無虛士也

張立道效古集傳本

立道字顯卿大名人累官雲南行省叅政傳本

王構文集三十卷傳本

構字肯堂東平人以詞賦中選為東平行臺掌書記

累官翰林學士承旨本傳

何榮祖大畜十集載道集本傳

榮祖字繼先太原人。以史遷中書省掾擢御史臺都事。累官昭文殿大學士平章政事。追封魏國公。謚文憲本傳

王惲集一百卷本傳 經籍志作秋澗集一百卷

惲字仲謀汲縣人。歷官翰林學士。追封太原郡公。謚文定本傳

史略曰。惲搢履端方。好學。善屬文。與東魯王博文

渤海王旭齊名。

按王惲集一百卷。蓋合惲所著承華事略中堂事記。烏臺筆補。玉堂嘉話。俱在其內也。

陳祐節齋集本傳

祐字慶甫。寧晉人。累官浙東宣慰使。謚忠定本傳

史略曰。祐少好學。家貧無書。母張氏嘗剪髮易書。使讀之。長遂博通經史。

申屠致遠忍齋行稿四十卷本傳

致遠見儀注類

胡祇適紫山集六十七卷經籍志

祇適字紹聞武安人歷官江南浙西道提刑按察使

謚文靖傳本

滕安上東庵類稿十五卷經籍志

安上字仲禮其先自洛徙中山官國子司業姚燧銘

姚燧曰仲禮為文一本理義辭旨暢達不為險譎

非有裨於世教者不言

蒲道源間居叢稿二十六卷經籍志

道源字得之興元人以遺逸徵官國子博士黃潛日損齋稿

黃潛序略曰公以性理之學施於臺閣之文如良金美玉不俟鍛鍊瑠琢而光輝自不可掩

王旭蘭軒文集二十卷經籍志

旭字景初鄆城人山東志

李洞文集四十卷傳本

洞字溉之滕州人以姚燧薦累官翰林直學士傳本

史略曰洞為文章奮筆揮洒迅飛疾動汨汨滔滔思態疊出縱橫奇變若紛錯而有條理意之所至臻極神妙洞每以李白自擬當世亦以是許之

李木魯字翀文集六十卷傳本

翀字子翬其先隆安人徙順陽以姚燧薦累官江浙行省叅知政事謚文靖傳本

史略曰翀為學一本於性命道德而記問宏博異言僻語無不淹貫文章簡典雅深合古法天下學者仰為表儀

姚燧曰子翬文章不待師傅而能後進無與倫比

小雲石海涯文集傳本

小雲石海涯本畏吾氏其父名貫只哥遂以貫為氏

號酸齋初襲父職為兩淮萬戶府達魯花赤鎮永州讓其弟仁宗選為英宗潛邸說書秀才累官翰林侍讀學士知制誥追封京兆郡公謚文靖傳本

史略曰小雲石海涯讀書目五行下吐辭為文不蹈襲故常其旨皆出人意表從姚燧學燧見其古文峭厲有法及歌行古樂府慷慨激烈大奇之晚年為文日遠詩亦冲澹

陳孚文集傳本

孚字剛中臨海人官台州路治中傳本

史略曰。字天材。過人。其為詩文。大抵任意。即成。不事雕斲。

皇甫暉曰。剛中忠義之氣。遇事觸物。沛然發見。良非雕鐫刻畫。有意為文者可比也。

按經籍志。作剛中集四十卷。藝文志。稿有觀光玉堂。交州三稿。浙江志。有天游桐江柯山三稿。

馮子振海粟集

元詩選

子振字海粟。攸州人。官集賢待制。

陳孚傳

史略曰。子振豪俊。與陳孚略同。字極敬畏之。自以

為不可及。子振於天下之書。無所不記。當其為文。酒酣耳熱。命侍史二三人。潤筆以俟。子振據案疾書。隨紙數多寡。頃刻輒盡。雖事料醲郁。美如簇錦。律之法度。未免乖刺。人亦以此少之。

宋濂曰。海粟以博學英詞名於時。當其酒酣氣豪。橫厲奮發。一揮萬餘言。少不下數千。真一世之雄也。

朱德潤存復齋集十卷

經籍志

德潤字澤民。吳人。以趙孟頫薦。累官鎮東行省儒學

提舉江南志

虞集曰澤民文章典雅惜以畫掩其名

林泉生覺是集二十卷藝文志稿

泉生字清源永福人天歷進士累官翰林直學士知

制誥諡文敏福建志

馮翼翁集二十卷藝文志稿

翼翁見儀注類

虞集道園類稿五十卷經籍志藝文志稿有道園學

卷道園遺稿六卷詩續藁三卷

集字伯生蜀人宋丞相允文五世孫僑居崇仁以薦

累官奎章閣侍講學士追封仁壽郡公諡文靖本傳

史略曰集從吳澄遊授受具有源委弘才博識無

施不冝一時大典咸出其手集學博洽而究極本

原研精探微心解神契經緯彌綸之妙一寓諸文

藹然慶歷乾淳風烈

歐陽元曰元初金宋舊儒布列館閣其文氣高者

崛強下者委靡時見餘習承平日久四方俊彥萃

於京師笙鏞相宣風雅迭唱於時虞公方回翔胄

監容臺間有識之士。早以斯文之任歸之。至治天
歷。公仕顯融。文亦優裕。一時宗廟朝廷之典冊。公
卿大夫之碑版。咸出其手。粹然成一家之言。

陶九成曰。元詩稱虞楊范揭。嘗有問於虞先生曰。
仲弘詩如何。先生曰。仲弘詩如百戰健兒。德機詩
如何。曰。德機詩如唐臨晉帖。曼碩詩如何。曰。曼碩
詩如美女簪花。先生詩如何。笑曰。集乃漢廷老吏。
先生未免自負。公論以為然。

楊載仲弘集四卷

經籍志 藝文志 稿作詩
集八卷 又集古詩二卷

載字仲弘。其先居建之浦城。後徙杭。因為杭人。以薦
授翰林編修。延祐設科。復舉進士。歷官寧國路推官。

傳本

史略曰。趙孟頫在翰林。得載所為文。極推重之。由
是載名動京師。凡所撰述。人多傳誦。其文章一以
氣為主。博而敏。直而不肆。自成一家言。而於詩尤
有法。嘗謂學者曰。詩當取才於漢魏。而音節則以
唐為宗。自其詩出。一洗宋季之陋。

范梈序略曰。仲弘天稟曠達。氣象宏朗。開口議論。

直視千古每大衆廣集占紙命辭傲睨橫放盡意
所止衆方拘拘已獨坦坦衆方紆餘已獨馳駿馬
之長坂而無留行一代之傑作也

范梈德機詩集七卷

經籍志

梈字亨父清江人以薦歷官福建閩海道知事

虞集傳

史略曰梈天資穎異所誦讀輒記憶耽詩工文用力精深人罕知者吳澄以道學自任少許可嘗曰
若亨父可謂特立獨行之士矣為文志其墓以東
漢諸君子擬之

揭傒斯曰虞伯生稱德機如唐臨晉帖則終未逼
真改評之曰范德機詩如秋空行雲晴雷捲雨縱
橫變化出入無倪又如空山道者辟穀學仙瘦骨
峻嶒神氣自若又如豪鷹掠野獨鶴叫羣四顧無
人一碧萬里差可仿佛耳

按范梈有燕然稿東方稿海康稿豫章稿侯官稿
江夏稿百丈稿總十二卷揭曼碩為之序張雨有
題梈集詩云一編尚有東坊字今江西志作東坊

集二十卷

揭傒斯集五十卷經籍志 藝文志 稿文安集五十卷 外又文一卷 詩三卷 文粹一卷 文續

錄二 卷

傒斯字曼碩富州人以程鉅夫薦累官翰林侍講學士同知經筵事追封豫章郡公謚文安傳本

史略曰傒斯為文章叙事嚴整語簡而當詩尤清麗婉密朝廷大典冊及元勲茂德當得銘辭者必以命焉殊方絕域咸慕其名得其文者莫不以為榮云

按揭傒斯集今無完本楊士奇文籍志云缺十三

卷

歐陽元圭齋文集本傳 經籍志作 圭齋集十六卷

元字原功其先廬陵人徙瀏陽延祐進士累官翰林學士承旨追封楚國公謚曰文傳本

史略曰元為詞章下筆輒成經史百家靡不研究伊洛諸儒原委尤為淹貫歷官四十餘年凡宗廟朝廷雄文大冊播告萬方制誥多出其手金縉上尊之賜幾無虛歲海內名山大川釋老之宮王公貴人墓隧之碑得元文字以為榮片言隻字流傳

人間咸知寶重。文章道德卓然名世。羽儀斯文。贊
衛治具。與有功焉。

宋濂序略曰。公之文。意雄而辭贍。如黑雲四興。雷
電恍惚。而雨雹颯然交下。可怖可愕。及其雲散雨
止。長空萬里。一碧如洗。可謂奇偉不凡者矣。

又曰。公文自擢第以來。多至一百餘冊。藏瀏陽里
第。盡燬於兵。此則在燕所錄。自辛卯至丁酉七年
間所作耳。

黃潛日損齋稿三十三卷

本傳

潛字晉卿。義烏人。延祐進士。累官翰林侍講學士。知
制誥。同知經筵事。追封江夏郡公。謚文獻。

本傳

史略曰。潛之學博極天下之書。而約之於至精。剖
析經史疑難。及古今因革制度名物之屬。旁引曲
證。多先儒所未發。

宋濂曰。先生為文。布置謹嚴。援據精切。俯仰雍容。
不大聲色。譬之澄湖不波。一碧萬頃。魚鼈蛟龍。潛
伏不動。而淵然之色。自不可犯。世之議者。謂先生
為人高介。類陳履常。文辭溫潤。類歐陽永叔。筆札

俊逸類薛嗣通。歷事五朝。巍然以斯文之重為己任。

按經籍志。作文肅集四十二卷。藝文志。稿。作日損齋稿二十三卷。又文獻公集四十四卷。內前集二十三卷。後集十八卷。續集三卷。門人宋濂定。浙江志。作日損齋初稿三卷。續稿三十卷。

柳貫文集四十卷。

黃潛傳

貫字履道。浦陽人。用察舉為江山縣儒學教諭。仕至

翰林待制。

黃潛傳

史略曰。貫學於金履祥。凡六經百氏。兵刑數術。方技異教。外書靡所不通。作文沉鬱春容。涵肆演迤。人多傳誦之。

危素曰。待制文雄渾嚴整。長於議論。而無一語襲陳道故。

宋濂曰。先生之文。如老將統百萬之兵。旗幟鮮明。戈甲焜煌。而不見有喑鳴叱咤之聲。

按經籍志。正文肅集二十卷。藝文志。稿。有文集四十卷。又集三十卷。又待制文集二十卷。又別集二

十卷黃潛柳公墓表作烏蜀山房類稿二十卷

虞槃文集虞集道園集

槃見春秋類

楊劉中霜月集

楊載傳經籍志作霜月齋集四十卷

剛中字志行上元人仕至翰林待制楊載傳

史略曰剛中為文奇與簡澁動法古人而不屑為

世俗平凡語元明善極歎異之

汪澤民巢深稿燕山稿宛陵稿藝文志稿

澤民見春秋類

干文傳仁里漫稿藝文志稿

文傳見春秋類

史略曰文傳為文務雅正不事浮藻

王士熙江亭集藝文志稿

士熙字繼學東平人官南臺御史中丞本傳

顧嗣立曰繼學詩長於樂府歌行與袁伯長馬伯

庸虞伯生揭曼碩宋誠夫輩唱和館閣雕章麗句

膾炙人口如杜王岑賈之在唐楊劉錢李之在宋

論者以為有元之盛也

宋本至治集四十卷傳本

本字誠夫大都人至治進士累官集賢直學士兼國子祭酒謚正獻傳本

史略曰本善為古文辭必已出峻潔刻勵多微辭

宋裴燕石集十五卷經籍志

裴字獻夫本弟泰定進士累官翰林直學士謚文清

宋本傳

史略曰裴文學與本齊名人稱之曰二宋云

歐陽元曰獻夫之詩務去陳言雖大隄之謠出塞

之曲時或馳騁乎江文通劉越石之間而燕人凌雲不羈之氣慷慨赴節之音一轉而為清新秀偉之作齊魯先生不能及也

蘇天爵曰獻夫詩清新飄逸間出奇古若盧仝李賀之流益喜其詞以模擬之

蘇天爵詩藁七卷 文藁三十卷本傳 經籍志作 滋溪集三十卷

天爵見詩類

史略曰天爵為學博而知要其文長於序事平易溫厚成一家言而詩尤得古法

王守誠文集

本傳

守誠字君寔陽曲人泰定進士累官河南行省叅知政事謚文昭

本傳

薛觀學箕集三卷

藝文志稿

觀一名孟字景荀鄆人至治進士知丹陽縣事

藝文志稿

叅用上者舊傳

吳師道禮部集二十卷

經籍志 宋濂吳先生碑作蘭溪山房類稿二十卷

師道見易類

史略曰師道善記覽工詞章才思湧溢發為歌詩

清麗俊逸

吳萊文集六十卷

黃潛傳

萊見書類

史略曰柳貫極慎許與每稱萊為絕世之才黃潛晚年謂人曰萊之文斬絕雄深類秦漢間人所作寔非今世之士也吾縱搯觚一世安敢及之

按經籍志止淵頴集十二卷藝文志稿作文集六十卷與傳同又宋濂訂淵頴集十二卷附錄一卷

陳旅文集十四卷

本傳 經籍志作安雅堂集十三卷

旅字衆仲莆田人以趙世延薦歷官國子監丞傳本

史略曰旅於文自先秦以來至唐宋諸大家無所不究故其文典雅峻潔必求合於古作者不徒以狗世好而已虞集見其所為文慨然歎曰此所謂我老将休付予斯文者矣即延至館中朝夕以道義學問相講習自謂得旅之助為多每與學者語必以旅為平生益友也

張翥序略曰學士虞公以文章擅四方學者仰之其許與君特厚君亦得與相薰濡而法度加密虞

之獎成後進陳之識所依歸才名接武相得益彰矣

程文熙南生集三十八卷 師意集 蚊留小稿四卷

藝文志稿

文字以文婺源人仕至禮部員外郎陳旅傳

史略曰文作文明潔而精深虞集多稱之與陳旅相伯仲云

陸文圭墻東類藁二十卷傳本

文圭字子方江陰人延祐設科舉於鄉朝廷數遣使

馳聘以老疾不果行傳本

史略曰。文圭博通經史百家及天文地理律數醫藥之學。為文融會經傳。縱橫變化。莫測其涯際。東南學者皆宗師之。

梁益三山稿陸文圭傳

益見詩類

史略曰。益博洽經史而工於文辭。自陸文圭卒後。浙以西學術醇正。為世師表者惟益而已。

黃叔英詩文集二十卷藝文志稿

叔英字彥寔。慈谿人。為晉陵宣城蕪湖三學教諭。和靖采石兩書院山長。浙江志

黃潛曰。彥寔長於經史百氏之書。為文雋拔偉麗。意氣奔放。若不可禦。而要其歸。能弗畔於道。

丁儼小溪集四卷。小溪寓興十卷藝文志稿

儼字主敬。新建人。吳澄門人。為龍興路酒務大使。江西志

熊太古燹餘集。熙真集藝文志稿

太古字隣初。豫章人。明來子。至順間舉於鄉。累官江

南行省負外郎

江西志

洪焱祖杏庭摘藁十卷

藝文志稿

焱祖字潜夫仕為休寧令

讀書敏求記

錢曾曰潜夫所居有银杏大百圍故以杏庭為號

遂名其集宋濂危素為之序

陳德永兩峯慚草

元詩選

德永字叔夏黃巖人官江浙儒學提舉

浙江志

杜本曰叔夏文似歐陽子尤長於詩

衛培過耳集十卷

藝文志稿

培字寧深吳人延祐間舉於鄉

江南志

陳鐸壯游集八卷

藝文志稿

鐸字子振吳人

江南志

揭祐民盱里子集

江西志

祐民廣昌人泰定中官邵武經歷居盱水上自號盱

里子

揭侯斯文安集

揭侯斯盱里子傳略云盱里子性伉直仕閩海間

二十餘年稱能官北遊燕趙東至遼泛黃河過海

口騰擲宇宙陵轍今古顛倒萬類出無入有如驚

龍飛兔不可羈而絀也

應恂純朴翁稿藝文志稿

恂字子孚永康人浙江志

唐元詩文集五十卷藝文志稿

元字長孺歙人官徽州教授人稱筠軒先生江南志

傅若金清江集十一卷經籍志藝文志稿作文集十二卷附錄一卷詩集十卷

若金字與礪新喻人家貧力學為同郡范梈所知得

其詩法以布衣至京師虞集宋瑩以異材薦佐使安

南歸除廣州文學教授江西志

揭傒斯云余每讀與礪詩風格不殊神情俱諧如復見范德機也德機七言歌行勝與礪五言古律勝餘亦在伯仲之間

劉濩聲之集藝文志稿

濩字聲之三山人元詩選傳

顧嗣立曰聲之集其門人瞿士弘編郟州劉汶序之黃潛跋其後推服甚至

趙偕寶峯堂文藝二卷寶峰集二卷藝文志稿

偕字子永慈谿人隱於大寶山之東麓學者稱寶峰

先生兩浙名賢錄

顧嗣立曰。寶峰遺文。烏斯道序之。謂為有道之言。六世孫文華重刻。

汪珍南山先生集江南志

珍字聘之。寧國之太平人。江南志

夏泰亨矩軒文集浙江志

泰亨字叔通。會稽人。官翰林編修。浙江志

陳紹叔浮邱集一百卷閩書

紹叔字克甫。莆田人。學者稱浮邱先生。閩書

呂思誠文集本傳

思誠字仲實。平定州人。泰定進士。累官中書左丞。謚

忠肅。本傳

葛元喆遺稿十卷藝文志稿

元喆。金谿人。舉進士。官福建行省經歷。人稱文貞先

生。江西志

周應極拙齋集二十卷藝文志稿

應極字南翁。饒州人。伯琦之父。累官池州路同知。總

管府事。江西志 參周伯琦傳

劉聞容窗集十卷經籍志

聞字文廷安福人官翰林修撰江西志

俞漢象川集十卷藝文志稿

漢字仲雲諸暨人辟教職不就浙江志

朱文寔葵山文集藝文志稿

文寔莆田人舉進士官泉州路總管閩書

宋濂序略曰先生以治經取顯官有政事人皆知之所為文則鮮知者其孫瀟以示余其言醇而理彰所言者未嘗不本諸道惟其志於道而不以文

名故言文者失之

黎仲基瓜園集十卷藝文志稿

仲基名載以字行臨川人以薦官太平教授江西志

金涓湖西集青村集浙江志

涓字道原義烏人從許謙黃潛學虞集柳貫並薦之不起浙江志

宋濂曰青村氣雄而言腴發為文章尤雅健有奇氣不但工於詩而已

楊維禎鐵崖集十卷古樂府十卷麗則遺音四卷

經籍志

維禎見春秋類

宋濂曰元之中世有文章鉅公起於浙河之間曰鐵崖先生聲光殷殷摩戛霄漢撫其論撰如覩商敦周彝雲雷成文而寒芒橫逸奪人目睛於詩尤號名家震蕩凌厲神施鬼設其文中之雄乎按藝文志稿作東維子集三十卷古樂府十卷樂府補六卷復古詩集六卷鐵崖文集五卷明史藝文志浙江志同貝瓊序作鐵崖大全集不著卷

程珣柳軒逸稿十卷藝文志稿

珣字晉甫烏程人泰定進士知婺源縣事黃潛志

吳暉青城集二十卷藝文志稿

暉字朝陽淳安人泰定進士知鎮平縣事浙江志

貢師泰玩齋集經籍志 江南志 有友迂集東軒集

師泰字泰甫宣城人奎之子泰定間舉鄉試復以薦授應奉翰林文字累官戶部尚書本傳

史略曰師泰以文字知名喜接引後進士譽翕然歸之

楊維禎曰。宛陵貢公。馳騁虞揭馬宋諸公之間。未知孰軒而孰輕也。

雅琥正卿集元詩

琥字正卿。可溫人。累官福建鹽運使同知。元詩選傳

泰不華顧北集元詩

泰不華字兼善。伯牙吾台氏。世居白野山。父塔不台。仕台州錄事判官。遂居於台。舉進士。累官禮部尚書。除浙江行省叅知政事。行台州路。達魯花赤事。為方國珍所襲。戰歿。追封魏國公。謚忠介。本傳

余闕青陽集八卷經籍志

闕見易類

史略曰。闕為文有奇魄。能達其所欲言。詩體尚江左。高視鮑謝。徐庾以下。不論也。

李祁雲陽集十卷經籍志

祁字一初。茶陵人。元統進士。歷官江浙儒學副提舉。

元詩選傳

劉三吾曰。一初胸次廓然。為文不事剗剗。詩亦如之。

曹鑑文集

藝文志稿

鑑字克明宛平人累官禮部尚書謚文穆本傳
史略曰鑑為詩賦尚騷雅作文法西漢每篇成學
者爭相傳誦

周伯琦文集

本傳

伯琦字伯溫饒州人以蔭補累官江浙行省左丞本傳
史略曰伯琦博學工文章尤以篆隸真草擅名當
時

陳基夷白齋稿三十五卷

外集一卷

讀書敏求記

基字敬初臨海人從黃潛學累官浙江行省郎中明
初預修元史賜金而還浙江志

戴良曰敬初文雍容紆餘馳騁搯縱得之黃文獻
者深矣

顧瑛曰敬初古文詩章同輩雖極力追之不能及

鄭元祐僑吳集十二卷

藝文志稿括蒼彙紀有山居文集

元祐字明德遂昌人僑居平江以薦官浙江儒學提

舉浙江志

顧嗣立曰元祐為文章滂沛豪宕詩亦清峻蒼古

吳當學言藁傳本

當見禮類

周聞孫鰲溪文集三卷藝文志稿

聞孫字以立吉水人。至正間舉於鄉。為鰲山書院山

長。江西志

馬瑩歲遷集四十卷。雜古文十二卷。藝文志稿

瑩字仲珍。建德人。浙江志

李士瞻經濟文集五卷。藝文志稿

士瞻字彥聞。南陽人。舉進士。累官翰林學士承旨。元詩

選傳

顧嗣立曰。士瞻子延興。洪武中。典邑校。有一山集。

經濟一山二集。皆士瞻曾孫國子監丞伸所編次。

吉安守張廷璽。又嘗合彥聞父子詩文為濟美集。

云。

黃異節庵集三十卷。藝文志稿

異字民同。都昌人。後至元進士。授南安路道源書院

山長。江西志

潘音待清軒遺藁。浙江志

音字聲甫。天台人。以遺逸徵。不赴。浙江志

李孝光文集二十卷。本傳 經籍志作雁峯集二十卷。浙江志作五峯集二十卷

孝光見孝經類

史略曰。孝光以文章負名當世。其文一取法古人。而不趨世尚。非先秦兩漢語。弗以措辭。

宇文公諒折桂集 觀光集 辟水集 以齋詩藁

玉堂漫藁 越中行藁 本傳

公諒字子貞。其先成都人。徙吳興。至順進士。歷官僉嶺南廉訪司事。本傳

瞻思文集三十卷 本傳

瞻思見易類

史略曰。瞻思博極羣籍。汪洋茂衍。見諸踐履。皆篤實之學。

杜秉彛文集四十卷 藝文志稿

秉彛瑛曾孫。累官中書左丞。河南志

孟昉待制文集 藝文志稿

昉字天暉。本西城人。居北平。官江南行臺御史。元詩選傳

李存侯庵集三十卷 經籍志

存字明遠更字仲公安仁人隱居不仕江西志

王艮止止齋集浙江志

艮字止善諸暨人以薦歷官江西行省左右司員外

郎本傳

何淑蠖庵集八卷經籍志

淑字伯善樂安人至正進士官武岡丞洪武初屢召

不就江西志

鄭玉師山集經籍志藝文志稿有餘力稿五卷
遺文六卷師山集八卷附錄一卷

玉見春秋類

王翰友石山人遺稿藝文志稿

翰字用文靈武人以薦累官福建行省郎中陳友定

表授潮州路總管友定敗屏居永福明初辟書再至

自引決元詩選傳

陳仲述曰山人詩皆心聲之應非苟然炫葩組華

者比也

吳海聞過齋集四卷經籍志

海字朝宗閩人自號魯客博學負氣節學者稱曰聞

過先生閩書

戴良九靈山房集三十卷經籍志百川書志作山居

九卷越遊稿六卷外集附錄一卷金華先民傳別有和陶詩一卷

良見春秋類

王禕曰叔能之詩質而敷簡而密優游而不迫冲澹而不鏤上追漢魏之遺音而自成一家者也

應廷育曰黃潛柳貫吳萊以文章鳴於浙東良往來諸公門盡得其奧余闕持節過婺與論古今作者詞旨優劣盡授以生平所得於師友者於是良之文名遂雄東南棄官後益肆力於詩文瑰奇歷

落清新雅潔往往無愧於作者

倪瓚清閟閣藁江南志

瓚字元鎮無錫人江南志

吳寬曰元鎮詩能脫去元人之濃麗而得陶柳恬澹之情百年之下試歌一二篇猶堪振動林木也

周霆震石初集十卷經籍志

霆震字亨遠安福人門人稱為清節先生江西志

張瑩序略曰石初詩文沉著痛快慷慨抑揚非勉强步驟者所能及

熊釗幾亭文集藝文志稿

釗見語益類

王元杰貞白英華集藝文志稿

元杰見春秋類

朱隱老瀟峰精舍文集藝文志稿

隱老字子方富州人隱居教授人稱瀟山先生宋瀟誌

李仁壽春谷集括蒼彙紀

仁壽字山甫龍泉人以薦官松溪教諭浙江志

劉基序略曰山甫文體格嚴正文詞典雅真可以

式後學傳來世不可磨滅者也予與山甫生同郡

自少相友善自丙子之歲宦遊他方不相見者垂

二十年今年復會於括獲觀山甫所為詩文銘記

論贊序說莫不彬彬濟濟方駕古人蓋其學問之

功益勤而真積之力愈久如水有源而流長如木

有根而枝蕃宜其業日隆而名日著也

林昉丹邱小稿 半山文集浙江志

昉字仲昉台之太平人官國史院檢閱官浙江志

葉良珮曰仲昉文陸修正謂其可以羽翼經傳宋

濂亦謂行文極類西漢

龍雲從魚軒集藝文志稿

雲從字子高廬陵人官福州儒學提舉江西志

楊翹佩玉齋集藝文志稿

翹字文舉上元人至正間官太常博士江南志

錢曾曰文舉以文類其稿不分卷帙

王朝文集十卷閩書

朝字德祥莆田人閩書

宋濂序略曰德祥詩森嚴踔厲有蒼淵之色文多

簡古峭奧而有餘不盡之思恒見於言表

王毅訥齋文集四卷浙江志

毅字叔劉括蒼人浙江志

宋濂序略曰先生之文明白濶達不假雕琢而至味自足

邱世良梯雲集六卷藝文志稿

世良字子正錢塘人官慶元路總管府治中浙江志

沈貞茶山集十卷藝文志稿

貞字元吉長興人隱居不仕浙江志

王仁輔文稿十卷藝文志稿

仁輔字文友鞏昌人寓居常州元詩選傳

徐暉巢松集浙江志

暉字仲田淳安人洪武初徵秀才辭歸浙江志

饒介右丞集江西志

介字介之臨川人至正間官僉江浙廉訪司事張士

誠承制以為淮南行省叅政士誠敗及難江西志

鄭東聯壁集十四卷藝文志稿

東字香明號果齋平陽人浙江志

采字季亮號曲全東之弟浙江志

宋濂序略曰果齋之文氣質沈雄如老將帥師旌旗金鼓繽紛交錯咸歸節度曲全之文規製峻整如齊魯大儒衣冠偉然出言不煩曲盡情意然皆有臺閣宏麗之觀而無山林枯槁之氣

羽士

黄石翁松瀑集江西志

石翁字可玉號松瀑南康人江西志

鄧文原曰松瀑之學典麗該洽文章如古訓誠誠

若擬金石而奏韶濩也。

袁桷曰。松瀑靜而不馳。砥礪志節。有古逸民之風焉。

雷思齊空山漫藁藝文志稿

思齊見易類

朱本初貞一藁藝文志稿

本初臨川人。師吳全節。虞集道園集

虞集序略曰。本初從事道家之學。不屑於世用。乃折而托之文章。以所著貞一稿示予。予讀而歎之。

善哉。慎所當言而不鼓浮夸。以為精神也。言當於是。不為詭異。以駭觀聽也。事達其情。不托蹇滯。以為竒古也。情歸乎正。不肆流蕩。以失本原也。

釋

圓玉筠溪牧潛集七卷藝文志稿

圓玉字天隱。號牧潛。高安姚氏子。少習舉子業。去為浮屠。得法於仰山欽禪師。駐錫建昌之能仁。江西志

洪喬祖跋曰。天隱遠權要。避名譽。徧歷荆襄吳越。積覽觀之富。益靜定之光。故其為文。瞻以與其詩。

雖所存不多而風骨自見

大訢蒲室集十五卷

藝文志稿

大訢字笈隱南昌陳氏子學佛得法於晦機熙公卓錫杭之鳳山文宗召主龍翔集慶寺授大中大夫

靈隱

寺志

虞集序略曰訢公以說法之餘事為文莫之能禦吸江海於硯席肆風雲於筆端鏗宏軒昂感厲奮激老於文者不能過也

本誠凝始子藁

元詩選

本誠初名文誠字道元後名道元字覺隱嘉興人居

無常處以詩自豪與天隱笑隱為詩禪三隱

元詩選傳

至仁澹居藁

元詩選

至仁字行中鄱陽人居蘇州

元詩選傳

虞集曰澹居文醇正雄簡有史筆宗門之子長也

惟則師子林別錄

元詩選

惟則字天如永新人譚氏住松江之九峰

元詩選傳

明本中峰廣錄

浙江志

明本號中峰錢塘人孫氏出家吳山聖水寺朝廷聞

其名。賜號佛慈圓照廣慧禪師。

揭傒斯
文安集

揭傒斯序略曰。中峰提倡激揚。如四瀆百川。千盤
萬轉。衝山激石。鯨吞龍變。不歸於海不已。其大機
大用。見於文字。有如此者。

